

Item quod comune et homines Monticuli majoris sint liberi et absoluti ab omnibus injuriis, damnis et offensis illatis per eos vel occasione rebellionis eorum contra dominos de la Scala in guerra presenti et ab omnibus questionibus et querelis que eis vel alicui eorum possent fieri vel moveri modo aliquo, occasione dictarum offensionum et rebellionis.

Item quod omnia banna, processus, condemnationes et sententie quomodocumque et qualitercumque promulgate et facte contra dictum comune et homines Monticuli, tam comuniter quam singulariter vel specialiter occasione guerre presentis seu a tempore rebellionis eorum citra, sint casse et irritate. Et pro cassis et irritis penitus habeantur, ac de libris comunis Vincentie et dictorum dominorum de la Scala et cujuslibet terre sue, sine aliqua solutione pecunie, debeant aboleri et cancellari.

Item quod dictum comune et homines Monticuli ab omnibus datis, gabellis, taleis, collectis, mutuis, factionibus, penis et aliis debitis et oneribus realibus et personalibus et mixtis, quocumque nomine censeantur, in quibus tenerentur, usque in diem presentis pacis, dominis de la Scala vel comuni Vincentie aut aliis vel aliis pro ipsis dominis vel comuni, et etiam de afflictibus, livellationibus et prestationibus anni preteriti et presentis, quibus non poterunt propter guerram gaudere bonis, possessionibus et laboriis suis, sint liberi perpetuo et penitus absoluti.

Item quod propter damna maxima que dictum comune et homines Monticuli habuerunt in guerra presenti, et occasione ipsius guerre, habere debeant et habeant ipsum comune et homines immunitatem et franchitatem ab omnibus impositionibus, collectis, exercitiis, mutuis, factionibus, angariis et aliis quibuscumque oneribus realibus et personalibus, quocumque nomine censeantur imponendis et faciendis per dictos dominos de la Scala seu per comune Vincentie aut quoscumque rectores vel officiales eorum vel occasione eorum, hinc ad annos decem proxime venturos. Et de presenti firmata pace fortilicia facta in dicto loco